



Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 3. Legati nonnisi Canones promulgare, a Papa jussi.

[urn:nbn:de:hbz:466:1-66608](https://nbn-resolving.de/urn:nbn:de:hbz:466:1-66608)

verat. Ceterum, prosequebatur prudens ille Antistes, usitatæ Doctorum in simili casu attestationes, vi quarum semet-
ipsos Ecclesiæ arbitrio permittunt, verba sunt, quibus de more fidem & observantiam suam homines profitentur, quibus pari respectu si respondendum, in partium contrarietate neutrī adhærendo; sic enim moribus est comparatum, ut, qui ab alio cultum exspectat, eundem ipse reverenter habere debeat, neque facile credendum, eum, qui se paratum dicit ad se submittendum, ac subjiciendum, eo esse revera animo, si sui prodendi occasionem adipiscatur. Indicio manifesto est Lutherus, qui, quamdiu erat illi negotium cum solis fratribus Indulgentiarum in Germania præconibus, aut cum Theologis Romæ, Papæ se arbitratui verbo permittebat: ubi vero Pontifex, quod in speciem ille promiserat, urgebat, ut re comprobet, non modo Martinus promissione flaire recusabat, sed mox in Papam ipsum acerbius invehebatur, quam nuper in quæstiones illos in Germania debacchatus erat.

§. III.

*Legati nonnisi Canones promulgare,
a Papa jussi.*

Animis ita in diversa distractis Legati, cum pro suo arbitrio nil decidere vellet, Papam consulere statuerunt,
ut

Sæcul. XVI. ut mandatum de iis, quæ in proxima
A.C. 1547. Sessione decernenda essent, acciperent:
 eapropter datis ad eum literis non modo Canonum instructorum exemplar, sed etiam relationem difficultatum, quæ tam in materia fidei, quam emendationis negotio tollendæ supererant, ad eundem transmiserunt, simul ei exponentes, quod interim easdem materias rursus expolire, ac quæstionem de *Beneficiorum pluralitate* jam antea propositam serio examinare vellent: Ad hæc Pontifex mensē Februario Legatis suis respondit, hæc significans: „Quoniam „doctrinæ capita de Sacramentis abs- „que metu dissensionis inter Theolo- „gos conflandæ explicari ægre valent, „hinc eadem omitti, ac nonnisi Cano- „nes unacum anathematibus promul- „gari volumus: supprimenda insuper „sunt Canonistarum scripta circa abu- „sus, qui in Baptismi, & Confirmata- „tionis administrationem irrepissæ di- „cuntur. „

§. IV.

Articuli de emendatione in Congrega- tionibus examinati.

Interea omni die, excepta Dominica, privati habebantur conventus, ut articuli de Reformatione examinaren- tur: